

parole; bref, ayãt purifié fon cœur, Dieu l'a remit en fanté; elle se comporte maintenant comme vne personne qui croit en Dieu, & qui a volonté de luy obeïr.

Le gēdre de nostre Neophyte auoit bien de plus grandes difpositions à la Foy que ceste femme: Ce bon homme retournant des bois pour se confesser, le Pere auquel il s'adreffa luy demandant s'il ne prioit pas Dieu en sa cabane: Non, dit-il, ie ne le prie pas, pource que ie ne fçay pas encore ce qu'il luy faut dire; mais ne pense-tu pas quelquefois en luy, repliqua le Pere: Ah, Nikanis, répondit-il, i'y pense incessamment, i'ay assez de regret de ce que ie ne fçay pas ce qu'il faut dire. En quelque lieu que i'aille, ie pense tousiours qu'il me voit, i'espere tousiours en luy, mon cœur veut tousiours parler à luy, mais il ne fçait pas ce qu'il luy faut dire. Le Pere fut bien confolé voyant que ce bon homme faisoit oraïson fans le recognoïstre.

[115] La derniere personne de la Famille de nostre Neophyte, qui a esté baptifée, c'est sa femme, laquelle est bonne & simple, se laiffant conduire aisément au bien; plaïse a nostre Seigneur répandre sur elle sa faincte benediction, & sur son mary, & sur tous ceux de sa cabane ou maison.

Quelques Sauvages ont voulu persuader à ce braue Capitaine de prendre vne secōde femme, à quoy il sembloit quasi obligé felon les loix ou les coûtumes de sa Nation; la femme mesme l'en a sollicité, & cela luy est arriué par deux fois à l'occasion de deux femmes qu'on luy a voulu donner en diuers temps: mais il respondit en ces termes: Vous venez trop tard, i'ay donné ma parole à Dieu, ie ne fçauois plus m'en